

სახელმწიფო შესყიდვის შესახებ ხელშეკრულება № 2/14

ქ. თბილისი

15 აპრილი 2016 წელი

ერთის მხრივ, სსიპ „საქართველოს ეროვნული საინვესტიციო სააგენტო“ (შემდგომში – „შემსყიდველი“), წარმოდგენილი დირექტორის მოადგილის მაგდა ბოლოთაშვილის სახით და მეორეს მხრივ, სს „აი თი დი სი“ (შემდგომში „მიმწოდებელი“), წარმოდგენილი გენერალური დირექტორის მამუკა მონავარდისაშვილის სახით, ვმოქმედებთ რა:

- „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „დ“ ქვეპუნქტის;
- „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს #13 ბრძანებისა
- და „საჯარო სამართლის იურიდიული პირის - საქართველოს ეროვნული საინვესტიციო სააგენტოს მიერ სახელმწიფო შესყიდვის გამარტივებული შესყიდვის საშუალებით განხორციელების შესახებ“ საქართველოს მთავრობის 2016 წლის 13 აპრილის #612 განკარგულების საფუძველზე,

გამარტივებული შესყიდვის საშუალებით (SMP მოდულში რეგისტრაციის ნომერი 160001069), ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

2. შესყიდვის ობიექტი

- 2.1. ხელშეკრულების საგანია სსიპ „საქართველოს ეროვნული საინვესტიციო სააგენტო“-ს მიერ მიმდინარე წლის 27-29 აპრილს ამერიკის შეერთებულ შტატებში დაგეგმილი ღონისძიებისათვის („როულ შოუ“) შესყიდველის ბალანსზე არსებული ვებგვერდის (www.investinggeorgia.org) რედაქტირების ერთჯერადი პროგრამული უზრუნველყოფის შემუშავების სახელმწიფო შესყიდვა (CPV 72212224).
- 2.2. შესყიდვის ობიექტის დასახელება, დეტალური აღწერილობა და სხვა დამატებითი ხასიათის ინფორმაცია/მოთხოვნები მოცემულია დანართი #1-ის სახით, რომელიც წარმოადგენს „ხელშეკრულების“ განუყოფელ ნაწილს.

3. ხელშეკრულების ღირებულება

- 3.1. ხელშეკრულების ღირებულება, დღგ-ს ჩათვლით, შეადგენს 2,000.00 (ორი ათასი) ლარს.
- 3.2. ხელშეკრულების ღირებულება მოიცავს, როგორც გასაწევი მომსახურების ღირებულებას, ასევე, წინამდებარე ხელშეკრულების შესრულებასთან დაკავშირებით, მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს (მათ შორის დამატებითი ღირებულების გადასახადს).

4. მომსახურების გაწევის ვადები და ადგილი

- 4.1. ხელშეკრულებით გათვალისწინებული ვებგვერდის რედაქტირებისთვის შესაბამისი პროგრამული უზრუნველყოფის შემუშავება მიმწოდებლის მიერ უნდა განხორციელდეს ხელშეკრულების ძალაში შესვლიდან არაუგვიანეს 5 (ხუთი) სამუშაო დღის ვადაში.
- 4.2. მომსახურების გაწევის ადგილია ქ. თბილისი, შემსყიდველი ორგანიზაციის ვებგვერდი: www.investinggeorgia.org.
- 4.3. ამ მუხლის 4.1-ე პუნქტით მითითებულ ვადაში შედის / ჩათვლება ამ ხელშეკრულებით გათვალისწინებული სამუშაოს შეთანხმების / დაზუსტების / მოწონების / კორექტირებისა და მიღებასთან დაკავშირებით შემსყიდველისათვის ამავე ხელშეკრულებით გათვალისწინებული და/ან მხარეთა შეთანხმებით შემდგომში ფაქტობრივად გამოყენებული ვადა.

5. მხარეთა მოვალეობანი

5.1. „მიმწოდებელი“ ვალდებულია:

- 5.1.1. უზრუნველყოს ხარისხიანი მომსახურების გაწევა ხელშეკრულებისა და დანართი #1-ით დადგენილი პირობების შესაბამისად, აღნიშნულ სფეროში დადგენილი სტანდარტების (არსებობის შემთხვევაში) სრული და ზედმიწევნითი დაცვით;
- 5.1.2. განახორციელოს ვებგვერდის რედაქტირებისთვის შემუშავებული პროგრამული პაკეტის გამართული მუშაობის უზრუნველყოფა მომსახურების გაწევის დღიდან 2016 წლის 29 აპრილის ჩათვლით.
- 5.1.3. უზრუნველყოს შემსყიდველი გაწეული მომსახურებით სარგებლობისათვის აუცილებელი ინფორმაციით ხელშეკრულების მოქმედების განმავლობაში;
- 5.1.4. ვებგვერდის პროგრამული უზრუნველყოფის შემუშავებისას წარმოადგინოს საიტზე დამატებული ახალი პროგრამული უზრუნველყოფის დიზაინის 2 ვარიანტი და შემდგომ განახორციელოს წარმოდგენილი ვარიანტებიდან შეთანხმებული საბოლოო ვარიანტის დიზაინის დახვეწა შემსყიდველის წარმომადგენლებთან ერთად მჭირდო თანამშრომლობის საფუძველზე;
- 5.1.5. აწარმოოს ვებ-გვერდის გამართული მუშაობის მონიტორინგი, აღმოფხვრას შემსყიდველის ან მიმწოდებლის მიერ აღმოჩენილი პროგრამული გაუმართაობა დროულად და საჭიროებისამებრ განახორციელოს პროგრამული უზრუნველყოფის შესწორება, დაზიანების შემთხვევაში გამოასწოროს და გაუწიოს შემსყიდველს კონსალტინგი;
- 5.1.6. ხელშეკრულების მოქმედების განმავლობაში უზრუნველყოს შემსყიდველის მიერ ჩატარებული შესყიდვის ობიექტის ინსპექტირების შედეგად გამოვლენილი ნაკლის აღმოფხვრა, ასეთი ნაკლის აღმოჩენიდან გონივრულ ვადაში (მაგრამ არაუმეტეს 2 დღისა), გამოსასწორებელი ნაკლის შინაარსის და მოცულობის გათვალისწინებით. პრობლემების გამოსწორება და შემსყიდველის მიერ ცვლილების მოთხოვნაზე რეაგირება განახორციელოს, როგორც სამუშაო ისე არასამუშაო დღეებში, შემსყიდველის წერილობითი (ელექტრონული ფოსტის მეშვეობით) მოთხოვნიდან არა უგვიანეს 1 დღეში;
- 5.1.7. ხელშეკრულების მოქმედების განმავლობაში, შემსყიდველის მოთხოვნისამებრ, უზრუნველყოს შემსყიდველის უფლებამოსილი თანამშრომლ(ებ)ისთვის გაწეული მომსახურებით სარგებლობისათვის საჭირო შესაბამისი ტრენინგ კურს(ებ)ის ჩატარება (საჭიროების შემთხვევაში).

5.2. „შემსყიდველი“ ვალდებულია:

- 5.2.1. გონივრულ ვადაში განიხილოს „მიმწოდებლის“ მიერ წარმოდგენილი წინადადებები და მიაწოდოს საკუთარი მოსაზრებები, რომლებიც დაკავშირებულია ხელშეკრულებით ნაკისრი ვალდებულებები შესრულებასთან. ხელი შეუწყოს მიმწოდებელს მომსახურების გაწევის პროცესში;
- 5.2.2. დროულად აუნაზღაუროს მიმწოდებელს გაწეული მომსახურების ღირებულება ხელშეკრულების პირობების შესაბამისად.

6. ინსპექტირების პირობები

- 6.1. შემსყიდველი ორგანიზაცია აწარმოებს შესყიდვის ობიექტის ხარისხისა და მომსახურების გაწევის ვადების ხელშეკრულების მოთხოვნებთან შესაბამისობის დადგენას ხელშეკრულების მოქმედების ნებისმიერ ეტაპზე.
- 6.2. შემსყიდველის მხრიდან ინსპექტირებას განახორციელებს სსიპ „საქართველოს ეროვნული საინვესტიციო სააგენტო“-ს ინფორმაციული ტექნოლოგიების მენეჯერი / დირექტორის პირველი მოადგილე.

7. შესყიდვის ობიექტის მიღება-ჩაბარების წესი

- 7.1. მომსახურების მიღება-ჩაბარება განხორციელდება მიმწოდებლის მიერ ვებგვერდის რედაქტირებისთვის შესაბამისი პროგრამული უზრუნველყოფის შემუშავების შემდგომ, წინამდებარე ხელშეკრულებით განსაზღვრული პასუხისმგებელი პირ(ებ)ის მიერ შედგენილი დადებითი ინსპექტირების დასკვნის საფუძველზე, მხარეთა შორის გაფორმებული მიღება-ჩაბარების აქტით.

8. ანგარიშსწორება

- 8.1. ანგარიშსწორება განხორციელდება შემდეგი პირობებით:
 - 8.1.1. ანგარიშსწორების ვალუტა – ლარი;
 - 8.1.2. ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.
- 8.2. ანგარიშსწორება განხორციელდება გაწეული მომსახურების შესაბამისად, მხარეთა შორის გაფორმებული მიღება-ჩაბარების აქტისა და მიმწოდებლის მიერ წარმოდგენილი ანგარიშ-ფაქტურის საფუძველზე, დოკუმენტების სრულყოფილად წარმოდგენიდან 10 (ათი) სამუშაო დღის ვადაში.
- 8.3. დაფინანსების წყარო: საქართველოს 2016 წლის სახელმწიფო ბიუჯეტიდან სსიპ „საქართველოს ეროვნული საინვესტიციო სააგენტო“-სთვის გამოყოფილი ასიგნება.

9. მხარეთა პასუხისმგებლობა ხელშეკრულების დარღვევისას

- 9.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მიმწოდებელს დაეკისრება პირგასამტეხლო, ყოველ ვადაგადაცილებულ დღეზე შეუსრულებელი ვალდებულების ღირებულების 0.1%-ის ოდენობით.
- 9.2. ხელშეკრულების 8.2 პუნქტით გათვალისწინებული ვადის დარღვევის შემთხვევაში მიმწოდებელს უფლება აქვს შემსყიდველს დააკისროს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.1%-ის ოდენობით.
- 9.3. მიმწოდებლის მიერ ხელშეკრულებით ნაკისრი ვალდებულებების სხვა სახის არაჯეროვანი შესრულების შემთხვევაში, გარდა ხელშეკრულების 9.1. პუნქტით გათვალისწინებული შემთხვევისა, ხელშეკრულების დამრღვევ მხარეს დაეკისრება პირგასამტეხლო, ყოველ ასეთ შემთხვევაზე ხელშეკრულების ღირებულების 0.5%-ის ოდენობით.
- 9.4. ერთ-ერთი მხარის მიერ ხელშეკრულებით ნაკისრი ვალდებულებების შეუსრულებლობის მიზეზით ხელშეკრულებიდან გასვლის შემთხვევაში მეორე მხარეს უფლება აქვს დააკისროს პირგასამტეხლო ხელშეკრულებით გათვალისწინებული მთლიანი ღირებულების 5%-ის ოდენობით.
- 9.5. იმ შემთხვევაში, თუ ხელშეკრულების ერთ-ერთ მხარეზე ვადების გადაცილებისათვის ან/და არაჯეროვანი შესრულებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1 (ერთი) პროცენტს, მეორე მხარეს უფლება აქვს გავიდეს ხელშეკრულებიდან და მოსთხოვოს ხელშეკრულების დამრღვევ მხარეს ხელშეკრულებიდან გასვლის მომენტისთვის გადასახდელი პირგასამტეხლოს ანაზღაურება.
- 9.6. პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ვალდებულებების შესრულებისაგან.

10. ხელშეკრულებაში ცვლილებების შეტანა

- 10.1. ხელშეკრულებაში ცვლილება დაიშვება მხარეთა წერილობითი შეთანხმებით.
- 10.2. ხელშეკრულების პირობების შეცვლა, მათ შორის ხელშეკრულებაში დაფიქსირებული ფასების შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 10.3. საქართველოს სამოქალაქო კოდექსის 398-ე მუხლით გათვალისწინებული შემთხვევების დადგომის დროს ხელშეკრულების საერთო ღირებულების ზრდა შესაძლებელია არაუმეტეს თავდაპირველი სახელშეკრულებო ღირებულების 10%-ის ფარგლებში, სხვა რისკებს იღებს მიმწოდებელი.

11. ხელშეკრულების შეწყვეტა

- 11.1. ხელშეკრულება შეიძლება შეწყდეს წინამდებარე დოკუმენტით გათვალისწინებულ შემთხვევებში, მხარეთა ურთერთშეთანხმებით, საქართველოს მოქმედი კანონმდებლობით დადგენილ სხვა შემთხვევებში.

12. ხელშეკრულების მოქმედების ვადა

- 12.1. ხელშეკრულება ძალაში შედის ხელშეკრულების ხელმოწერის თარიღიდან და მოქმედებს 2016 წლის 31 მაისის ჩათვლით, გარდა იმ შემთხვევებისა, რომელ(ებ)ისთვისაც ხელშეკრულებით დადგენილია მხარეთა მიერ ნაკისრი ვალდებულებების შესრულების განსხვავებული ვად(ებ)ი (არსებობის შემთხვევაში).

13. დავები და მათი გადაწყვეტის წესი

- 13.1. ხელშეკრულების შესრულების პროცესში მხარეთა შორის წარმოშობილი დავა წყდება მორიგებით.
- 13.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს მოქმედი კანონმდებლობის შესაბამისად.

14. ხელშეკრულების შესრულების შეუძლებლობა (ფორს-მაჟორი)

- 14.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს მხარის პასუხისმგებლობას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 14.2. ამ ხელშეკრულების მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.
- 14.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების

გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

15. სხვა პირობები

15.1. წინამდებარე ხელშეკრულებით მხარეებს შორის ჩამოყალიბებული ურთიერთობა შეიძლება წარმართულ იქნეს ელექტრონული ფოსტის მეშვეობით განხორციელებული მიმოწერით („მიმოწოდებელი“: sergio@itdc.ge; nina@itdc.ge; contact@itdc.ge; „შემსყიდველი“: tlilushvili@investingeorgia.org);, რასაც სდევს სამართლებრივი შედეგები;

15.2. ხელშეკრულება შედგენილია 3 (სამი) თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმოწოდებელს, ხოლო ორი - შემსყიდველს.

16. მხარეთა რეკვიზიტები

„შემსყიდველი“:

სსიპ „საქართველოს ეროვნული საინვესტიციო
სააგენტო“

მის: ქ. თბილისი, ბაშის რიგის ქ. #7

საიდენტიფიკაციო კოდი: 204990082

საბანკო რეკვიზიტები:

ეროვნული ბანკი, ბ.კ. 220101222

ა/ა № 200122900

საკონტაქტო, ტელ: თამუნა ლილუაშვილი - 599005050

E-MAIL: tlilushvili@investingeorgia.org

დირექტორის მოადგილე,

მაგდა ბოლოთაშვილი

(ხელმოწერა)

„მიმოწოდებელი“:

სს „აი თი დი სი“

მის: ქ. თბილისი, რუსთაველის ქ. #14

საიდენტიფიკაციო კოდი: 404399664

საბანკო რეკვიზიტები:

თი ბი სი ბანკი, ბ.კ. TBCBGE22

ა/ა №: GE19TB7483936080100001

საკონტაქტო ტელ: 2490049

E-MAIL: contact@itdc.ge

გენერალური დირექტორი,
შამუკა მონავარდისაშვილი

(ხელმოწერა)

მიმწოდებლის მიერ გასაწევი მომსახურების დეტალური აღწერილობა
შემსყიდველის ბალანსზე არსებული ვებგვერდისთვის უნდა შემუშავდეს შემდეგი აღწერილობის ერთჯერადი
პროგრამული უზრუნველყოფა:

1. ღონისძიება
 1. დასახელება
 2. მოკლე აღწერა
 3. ლოგო, პლაკატი, ბანერი
2. დღის წესრიგი (აჯენდა)
3. სპიკერთა სია
 1. სახელი გვარი
 2. დასაქმების ორგანიზაცია
 3. პოზიცია
 4. სურათი
 5. ბიოგრაფია
 6. წარსადგენი პრეზენტაცია
 7. ვიზიტის დაგეგმვის საკონტაქტო ინფორმაცია
4. რეგისტრაციის
 - a. ველების ჩამონათვალი
 - b. რა მეილზე გაიგზავნოს შევსებული ფორმის შედეგები
5. პარტნიორები
 - a. ორგანიზაციების ჩამონათვალი
 - b. ლოგოები
 - c. ვებ საიტის ბმულები
6. ღონისძიების ადგილმდებარეობის კოორდინატები რუკისთვის
7. ზოგადი საკონტაქტო ინფორმაცია

investinggeorgia.org/xxx მისამართი

მხარეთა ხელმოწერები:

„შემსყიდველი“

სსიპ „საქართველოს ეროვნული საინვესტიციო
სააგენტო“

დირექტორის მოადგილე

მაგდა ბოლოთაშვილი



„მიმწოდებელი“:

სს „აი თი დი სი“

გენერალური დირექტორი,

მამუკა მონავარდისაშვილი

